

PV : AMASSADA GENERALA ORDINÀRIA 2019

« Centre Régional de l'Enseignement Occitan DAUPHINÉ – VIVARAIS »

10/01/2020 - Divendres lo 10 de genier 2020, 18h30, Taulinhan.

Presents :

- Gerard Joan Barcelo (Collège G. Jaume, Occitan, Lettres classiques, Pierrelatte)
- Bénédicte Guillen (Professeur des écoles, candidate Capes, inscrite en Master d'Occitan),
- Isabelle Méjean (Trésorière, IEO Daufinat-Provença-Terra d'òc, et trésorière IEO Ròse-Aups),
- Valérie Pasturel (Certifiée occitan-langue régionale, Cité scolaire Barjavel-Roumanille, Nyons)
- Jean-Louis Ramel (Chargé de mission occitan retraité)
- Jean-Claude Rixte (Professeur anglais-occitan retraité)
- Mireille Roubé (Professeur occitan retraitée, IEO Daufinat-Provença-Terra d'òc ; Directrice de la Calandreta à Valréas)
- Danielle Tosello-Courbon (Professeur occitan retraitée, Présidente IEO Daufinat-Provença-Terra d'òc, Dieulefit)

Desencusats :

- Anne Giovanelli (enseignante référente occitan et langues, Circonscription de Nyons)
- Gérard Betton (IEO Ardèche, intervenant projet Eureka Lycée St-Denis crédits Région AURA jusqu'en 2018-2019 avec Marc Noailles, Annonay)
- Jean-Paul Terrot (enseignant barrutlaire, retraité)
- Jaumeta Hubert (institutrice retraitée, formatrice pour adultes Caminam, Buis-les-Baronnies)
- Vally Laget (institutrice retraitée, formatrice pour adultes Université du Temps libre, Nyons et Caminam, Buis-les-Baronnies)

Poders :

- Gérard Betton à V. Pasturel ou Jean-Claude Rixte
- Jaumeta Hubert à JL. Ramel

Absents :

- Patrick Cros (professeur, Lycée St-Denis, Annonay)

Òrdre dau jorn

- Presentacion e vòte dei bilanç morau e financier 2019
- Situacion dins l'Acadèmia : Pòstes, efectius, canbiaments d'IA IPR
- Administracion de l'associacion (banca, SIRET, estatuts, sèti sociau, mandadís)
- Preparacion de l'AG de la FELCO dau 18 de genier 2020 a Tolosa
- Projèctes e accions 2020 (sensibilisacions ; partenariats ; Rectorat, comunicacion, demandas de subvencions...)
- Convencion regionala actors associatius, ensenhamant privat e public - Region AURA 2019-2021
- Convencion Rectorat / Region AURA : que s'acaba en febrier 2020
- Informacions deis IA e IPR ; deis elegits...
- Cotisacions, adesions
- Questions diversas - Prepausicions
- Eleccion dau CA

Lo novèu CA procedirà puei a l'eleccion dau burèu dau CREO Granòble.

L'associacion mescla sei pensadas e escambis au sovenir de Marie-Christine Coste-Rixte, que fuguèt professora de lenga occitana e d'anglés en Droma, e traductriz, implicada sens relambi dins la creacion o lo sostien deis associacions per lo desvelopament de la lenga (IEO, CREO Grenòble, PEN Club International...) Nos quitèt trop d'ora aquest 28 d'agost 2019.

RAPÒRT D'ACTIVITAT 2019

1) LETRA MANDADA A Ch. CHAMPENDAL, IA-IPR Anglés-Lengas regionalas

Au prepaus dau pòste d'ensenhaire barrutlaire sus la circonspcion dau Montelaimar :

Demande per mail de JL Ramel, Président CREO, lo 12/6/2019 a Ch. Champendal, coma decidit en AG lo 8/3/2019 :

- Lo pòste d'ensenhaire barrutlaire apareis pas plus
- Comitat de pilotatge e Plan d'accion regionau novèu per lei lengas regionalas, lo CREO i participa
- Demanda d'acompanhament d'aquest esfòrç per l'EN amb 2 pòstes per l'ensenhament primari
- Disponibilitat per trabalhar sus la question amb leis autoritats academicas o dins l'encastre d'un Conseu academic per resolver lo problema e evocar d'autrei questions sus aquest ensenhament

Respònsa lo 11/10/2019, Christian Champendal :

An organisat mai d'un còp una comission de recrutament per aquest pòste, lei candidaturas respondián pas ais exigéncias dau pòste que demorèt vacant sens afectacion. Per aquesta rason e per la de l'abséncia de ressorsas RH, l'an puei barrat e an afectat lei mejans a d'autrei besonhs.

2) CONVENCION « PLAN D'ACCIONS DE LA REGION AURA »

Rapòrt e informacions dau president dau CREO Granòble sus lei documents reçauputs a prepaus de la « CONVENTION AURA 2019/2020/2021 PLAN D'ACTIONS DE DEVELOPPEMENT DE LA LANGUE ET DE LA CULTURE OCCITANES ».

Lo President reçaupèt lo 18 de novembre un mail a prepaus d'aquesta novèla Convencion que sarà de signar dins gaire amb la Region AURA, amb la pèça juncha : « Besoins budgétaires prévisionnels Plan d'actions culture occitane Auvergne Rhône Alpes ». Estimacions dau plan d'accion (tablèu previsionau dei besonhs de chasca associacion partenaria, amb tanben aquelei d'autreis estructuras que lei signataris).

Aprenam dau President (qu'èra lo destinatari dei mails e membre dau « COPIL », Comitat de pilotatge que menèt aquest projècte de convencion desempuei la jornada dau 9/7/2018 a l'Ostau de Region de Clarmont, e qu'assegura lo relèu deis informacions ai signataris, amb Bernat Giacomo, President de la federacion AURA de Calandreta e CFPO Auvèrnha, e G. Mercadier, President dau Congrès, membre tanben dau CA de la FELCO) que :

- lo CREO Granòble, marcat coma signatari d'aquesta convencion (mai qu'a pas encara signat), es pas estat consultat coma leis autrei sus lo previsionau de sei besonhs.

A la lectura dei documents menats per lo president lo jorn de l'AG, aprenem :

- que lo CREO Granòble apareis dins la linha « Divers organismes », au còntre deis autreis organismes signataris dins lo capítol « Associations structurantes » : IEO despartamentaus, regionaus, de Calandreta, dau Congrés, dau CFPO, de l'Ostal de libre (Cantal) e de l'Ostal del Telh (Cantal) qu'an chascun sa linha e sei besonhs financiers sagetats. Veire tanben lo capítol « Partenaires institutionnels » : « Convention Rectorat » (?) ; Médias ; EPCI ; Ter Sncf ; Parcs naturels...

A la recèrca d'ajudas financieras per un projècte, V. Pasturel aprenguèt dau President dau CREO a la fin de novembre que la Convencion èra d'èstre signada, e ne'n reçaupèt lo 8/12/2019 la version oficiala demandada a B. Giacomo. Constatèt que :

- totei lei signataris l'aviam signada a l'excepcion dau CREO
- que lei CREO Granòble e d'Auvernha èran fusionats sens concertacion prealable sota l'apelacion « CREO »
- que la Felco èra pas estada assabentada dau projècte de Convencion
- que la data limita per presentar lei dossiers de demandas de subvencion a la Region èra au 31/12/2019.
- la Convencion cubrís lei domenis de la cultura, de l'informacion e de la comunicacion, dau turisme, dei sensibilisacions escolaras, de l'edicion, dau sociau etc.
- Tot organisme la pòu demandar : colectivitat, associacion, EPCI etc.

V. Pasturel transmetèt alara tant que possible l'informacion a la lista dei contacts dau CREO Granòble, ais actors de l'Educacion (IA-IPR, Caps d'establiments de Nions), ai partenaris (PNR), actors culturaus (programmacion), artistas, associatius... La Convencion es pas signada encara dau President de Region se deuriá faire dins gaire.

B. Giacomo ditz esperar la data de la signatura oficiala a la Region per faire signar lo CREO Granòble lo meme jorn.

Coma la data limita de depaus de demanda de subvencion laissava pas lo temps au CREO Granòble de s'amassar e s'organisar per demandar d'ajudas finanzièras a la Region, un projècte d'edicion d'un supòrt pedagogic, qu'auria poscut èstre montat en dirèct per lo CREO Granòble, es estat pòrtat e presentat per l'IEO Daufinat-Provença Tèrra d'Òc (dins l'encastre d'un avenant a sa demanda de subvencion regionala qu'èra ja estada mandada e a la Conservacion despartamentalala : « Project Patrimòni innovant » : Gargantuà dans les paysages de la Drôme).

3) PARTICIPACION A LA MANIFESTACION NACIONALA, 30 DE NOVEMBRE 2019, PARIS « POUR QUE VIVENT NOS LANGUES »

La FELCO nos convidèt de participar a l'accion de defensa de l'ensenhament de totei lei lengas de França organisada per lo collectiu PQVNL en reaccion ai consequéncias de la refòrma Blanquer per lei Licèus.

Desplaçaments : Una prepausision d'organisacion d'un viatge comun dau CREO Granòble amb l'IEO regionau es pas estada completament seguida. Un grop de l'IEO de 12 personas (amb leis Arpitans) es montat en veitura. E 2 personas dau CREO Granòble i son anadas en TGV (presa en carga dei desplaçaments per la FELCO : 221.60 €, amb l'ajuda de la canhòta organisada per Olivièr Caponi del CREO Tolosa per la FELCO, en mai dei chècs de dons individuals que fugeron mandats).

Participacion : environ 700 personas dins lo cortègi dissabte lo 30 de novembre 2019 a París a proximitat dau Ministèri de l'Educacion nacionala, accion comuna a l'invitacion de l'Eurò-Deputat François Alfonsi e dau Deputat Paul Mòlac e d'un collectiu d'associacions signatarias. La FELCO e lo CREO Granòble signèron, coma l'IEO, la FELCO participèt a l'organisacion : seguit intellectua, tecnic e politic de l'operacion. Un deis objectius èra de rapresentar leis ensenhaires d'occitan dins lo cortègi amb lo drapèu FELCO. La mobilisacion èra pas tant bèla qu'esperada. Mai leis Occitans son estats ben vesedors per un recampament parisenc au mitan dei Bretons, Còrses, Alsacians, Catalans, Arpitans, Flamencs... amb l'ajuda dau CREO de la Talvera de París. De licèans de Niça montèron. Ressons dins la presa pas ben grands (a despart de France 3 Bretanya que filmèt de licèans bretons dins lo cortègi parisenc).

Marie-Jeanne Verny, secretària de la FELCO, aviá lo mandat dei professors de diferentas lengas de França (FLAREP, *Fédération pour les langues régionales dans l'enseignement public*, e FELCO) per participar a la delegacion que fuguèt reçaupuda au Ministèri, gaire d'informacions novèlas dau costat dau Ministèri.

L'après-dinar, lei respònsables associatius e elegits se son recampats per prendre de decisions per la seguida de l'accion : - escriure una letra au Ministre (contengut de la letra inegau, pas completament acceptat e donc amendat per la FELCO) organizar de manifestacions dins chasca Adadèmia, davans lei Rectorats a la fin de fevrier (lo 28 ?)

Lo rapòrt d'activitat es votat per l'amassada generala.

RAPÒRT FINANCIER 2019

Gès de moviment financier en 2019,

2 adesions pagadas sota la fòrma de timbres per lei mandadís coma aviám pas de còmpte de banca :

1 adesion pagada ambé 10 timbres a 1.16 € = 11,60 €

1 adesion pagada ambé 12 timbres a 1.16 € = 13,92 €

En caissa au 10/01/2020 : 25,52 €

Lo rapòrt financier es votat per l'amassada generala.

ADMINISTRACION DE L'ASSOCIACION

Dubertura d'un còmpte de banca

Demande d'informacion sus lei condicions per leis associacions : JL Ramel : Nions ; J. Barcelo : Peiralata.

Leis estatuts de l'associacion

Leis estatuts ancians (adoptats a l'ocasion de l'AG dau 15/2/1975, comunicats per Gerard Bayle) pòdon totjorn correspondre a l'objectiu e a l'activitat de l'associacion.

L'Amassada generala prend la decision de modificar leis articles : III, IV, VI, VII, VIII, IX, X (cf. PJ)

Lo nom de l'associacion

Dins leis estatuts de 1975 lo nom es « CREO, Centre régional de l'enseignement occitan Dauphiné – Vivarais ».

Lo sèti sociau

Lo sèti sociau de l'associacion CREO Dauphiné – Vivarais èra a la debuta au CDDP, Plaça Le Cardonnel, Valença, puei en 1976 au CDDP, Carreria de l'Escòla normala, a Valença.

L'AG pren la decision de cambiar lo sèti sociau de l'associacion e de lo situar :

Mairie, Place du 11 novembre, 26770 Taulignan.

Çò qu'empacharà pas de menar un travalh a l'escala interdepartamentala.

Modificacion d'adreiça a la Prefectura : JL Ramel la farà.

Còdis APE, SIRET

Demandas de faire dins lei jorns que venon a l'INSEE.

PREPARACION DE L'AG 2019 DE LA FELCO

AG lo 18/01/2020 a Tolosa, a l'Ostau d'Occitania, a l'ocasion dei 50 ans dau CREO de Tolosa.

Valèria Pasturel i sarà presenta (membre de drech dau CA de la FELCO, representanta dau CREO Granòble en complement de Jean-Louis Ramel). Jean-Louis Ramel fin finala i anirà pas.

2 candidats a la Presidéncia de la FELCO : Yan Lespoux, Nicolau Rei Bèthvéder (professions de fe sus lo siti de la FELCO : <http://www.felco-creo.org/09-01-20-dos-candidats-per-la-presidencia-de-la-felco-doas-professions-de-fe-de-legir/>

Leis estatuts son mau redigits per la comprehesón dau tieç renovelable.

35 candidaturas per lo CA : <http://www.felco-creo.org/2001-01-candidaturas-recebudas-al-ca-de-la-felco/>

Lei rapresentants mandatats per leis associacions academicas son membres de drech.

Leis aderents d'una associacion academica an lo drech de vòte a la FELCO.

Organizacion dei poders e mandats de l'associacion CREO Dauphiné – Vivarais.

ACTUALITAT DINS NÒSTRA ACADÈMIA

EFFECTIUS, PÒSTES :

Pòste dins lo 1^{er} gras : Circonscripcion de Nions

Estabilitat ? Pas de cambiament signalat per Anne Giovanelli.

Pòste dins lo 1^{er} gras : Circonscripcion dau Montelaimar

Benedicte Guillen nos infòrma que lo pòste es estat barrat completament : decision en junh 2019.

Amb l'ajuda dei sindicats, Benedicta Guillen vodriá ben presentar sa candidatura se lo pòste èra dubert tornar.

Lo DASEN a respòndut que faliá analisar la demanda (en cas de demandas, iaurí la possibilitat de lo tornar dubrir).

Leis elegits dau Montelaimar (Sénher André-Bernard Orset-Buisson, Adjonch a la Vila dau Montelaimar e cargat de la cultura au Conseil Communautaire de Montélimar-Agglo) vist en decembre 2019 per Benedicta a promès de faire çò que podrà.

Benedicte apresta una lètra au DASEN, en copia a S. Orset, au sindicat (SNUipp-FSU).

Benedicta Guillen, dins l'encastre d'un Master d'occitan a distància de l'Universitat de Montpelhier, es en estatgi per 6 intervencions escolaras en occitan dins l'escòla de Réauville (classe unica). L'objectiu es d'obtenir una abilitacion per d'intervencions escolaras (visita d'Anne Giovanelli e d'una Inspectritz per validar sa candidatura).

L'AG racòmanda a Benedicta Guillen de :

- demandar de lètras ais elegits dau Conseu Despartamentau per apuejar sa demanda
- d'aprofichar de la lista deis escòlas onte interveniá JP Terrot ara a la retirada (JL Ramel lo vai contactar).

2^d gras Ardècha :

Patrick Cros fai assaupre qu'aquest an la subvencion regionala Eureka per leis intervencions au Licèu privat Saint-Denis d'Annonai es pas estada reconducha (Gérard Betton e Marc Noailles an pas poscut intervenir).

2^d gras Peiralata :

J. Barceló aproficha d'un bòn sosten de sa direcccion au Collègi Jaume e d'ajudas de l'IA IPR per d'oras sagetatas sus l'occitan : efectiu de 18 escolans

- 1 oras/setmana per un grop de 6^e-5^e : 9 escolans (còntra 6 l'an passat)
- 2 oras/setmana per un grop de 4^e-3^e : 9 escolans (còntra 5 l'an passat)

Per lei 3 escolans de 3^a l'opcion au Licèu existís pas, emai se lo regretan, e J. Barcelo pensa que i auriá segurament pas de mejans de la crear.

2d gras Nions :

Confirmacion oficiala d'afectaccion de V. Pasturel a titre provisòri (ATP) après la prumièra setmana de setembre 2019 (e sarà somèsa tornar au moviment Interacademic en 2020-2021) : TZR en 2019-20 estacada a Nions (temps partejat entre CDI, cooperacions amb de professors de Letras, accompanhament d'escolans fulta d'Ulis...).

Efectius Collègi : 16 a 19 escolans

- 1 ora per un grop de 6^{ena} : 4 escolans + autrei voluntaris de 6^{ena} non inscrichs
- 1 ora per un grop de 6^{ena} e de 2 escolans de 3^{ena} debutants : 6 escolans
- 1 ora per 6-7 escolans de 5^{ena}

+ Tambornet : 1 ora per setmana (Foyer Socio-Educatif) + Projèctes en colaboracion entre lei classas d'occitan, de latin, d'italian, e en Intergras.

De complicacions sus l'emplec dau temps (1 ora/15 jorns plus lèu que per setmana ; demanda ais escolans de causir entre latin e occitan en 5^{ena}, lo latin passa a 2 oras en plaça de 1 avans ; pas plus cumular leis opciones ; pas subrecargar l'emplec dau temps deis escolans...)

Licèu : 1 escolan passat en 1^{era} : occitan en meme temps qu'italian.

Pas de possibilitat de lo recuperar : pas plus d'ensenhamant de l'occitan au Licèu. Demandas de preparacions per de sensibilisacions ai segondas per lo Provisor adjonch que fin finala lei programèt pas.

INFORMACIONS DAU RECTORAT :

A l'ocasion de l'informacion per mail de l'Inspector Sénher Christian Champendal, IA – IPR per lei lengas regionalas lo 12/12/2019 dau projècte de Convencion « PLAN D'ACTIONS DE LA REGION AURA DE DEVELOPPEMENT DE LA LANGUE ET DE LA CULTURE OCCITANES »,

Sénher Champendal nos mercejèt e respondèt que :

- Dòna Caroline Pesch-Layeux, IA-IPR LV-espagnol, seguissiá d'ara enlà lo dorsier dei lengas regionalas
- Sénher Marc Bron èra cargat de mission per lei lengas regionalas
- La convencion LVR occitan e francoprovençau (« CONVENTION DE PARTENARIAT POUR LA VALORISATION ET LA PROMOTION DES LANGUES ET CULTURES OCCITANE ET FRANCOPROVENÇALE ») signada entre la Region AURA et nòstra Acadèmia arribava a tèrmi en febrier 2020.

Lo CA dau CREO rempèla en AG que lo CALR s'es pas jamais tengut desempuei mai de 2 o 3 ans.

V. Pasturel suggerís de demandar qualei podriam èstre lei modalitats de travalh e de concertacion amb lei novèus respònsables dei LR au Rectorat.

- Balhar d'informacions sus lo CREO Dauphiné – Vivarias e leis informacions recampadas sus la situacion deis ensenhaments dins l'Acadèmia
- Demandar se la convencion entre la Region e l'Acadèmia sarà renovelada e se devem apuejar la demanda de son renovelament, e/o ajudar a son elaboracion.

La decision es presa per l'AG dau CREO :

- De pas organizar au darrier moment una manifestacion segon la suggestion dau collectiu PVNL davans lo Rectorat, mai d'establir una relacion amb lei novèus interlocutors dau Rectorat, dins un contèxte de renovelament de Convencion, per bastir un biais de trabaillar ensembs.
 - De planificar un trabaill comun :
 - escriure una letra au Rectorat, a la novèla IA-IPR
 - amb leis informacions essencialas de l'AG,
 - en demandant una entrevista
 - per assegurar l'informacion dei familhas,
- J-Cl Rixte, JL Ramel e V. Pasturel escriràn aquesta letra.

QUESTIONS DIVERSAS – PREPAUSICIONS

Prepausicion d'organizar de sessions d'inter-formacion :

Publicas o internas au CREO Dauphiné – Vivarais (segon la volontat deis intervenents).

Coma siam luenhs deis universitats e dei possibilitats de formacion : s'amassar per escambiar, au ritme d'un còp per trimestre per exemple, sus de questions de lenga, de literatura, de didactica... en diferents luòcs de l'Acadèmia : se veire sus lei contenguts en defòra d'aquestei preoccupacions politicas, pòrtar amb aquestei manifestacions d'apuejs e mai de visibilitat onte n'i a de besonh (Ardècha, vau de Ròse, Montelaimar)...

ADESIONS

Aderents 2020 : 10 euros (o 20 euros de sosten), coma l'an passat.

9 aderents (12 convidats a l'AG / 8 presents + 2 poders) Cf. fuelh : J-Cl. Rixte

ELECCION DAU CA - CREO Dauphiné - Vivarais :

Compausicion dau CA eligit per l'AG dau 10 de genier de 2020, 6 administradors :

- | | |
|-----------------------|---------------------|
| - Gerard Joan Barcelo | - Valèria Pasturel |
| - Benedicta Guillen | - Jean-Louis Ramel |
| - Isabèla Mejean | - Jean-Claude Rixte |

Lo CA procedís a l'elecccion dau burèu :

Presidenta :	Valèria Pasturel	Secretariat :
Vice-President :	Jean-Louis Ramel	
Clavaire :	Gerard Joan Barcelo	Clavaire adjonch : Jean-Claude Rixte

Lo CA prepausa de convidar tornar leis absents de participar (ròtle de secretariat disponible dins lo burèu o autra modalitat de participacion o de representacion).

Signaturas :

A Taulinhan, lo 03/04/2020

Valèria Pasturel, Presidenta,



A Taulinhan, lo 03/04/2020

Gerard Joan Barceló, Clavaire :

